

# Lesotho



**Taolo le Tšebeliso ea Lichelete tsa Sechaba Nakong ea Liqholotso tse Thata tsa Moruo**  
*(Ho sebeletsa boitjaro le ho busa ho latela lichelete tse teng)*

## **Lekala la Lichelete la 'Muso oa Lesotho**

# Lesotho

Taolo le Tšebeliso ea Lichelete tsa Sechaba Nakong ea Liqholotso tse Thata Litabeng tsa Moruo  
(Ho sebeletsa boitjaro le ho busa ho latela lichelete tse teng)



## Lekala la Lichelete la 'Muso oa Lesotho

**Bukana e Tataisang sechaba  
ka kabo ea lichelete tsa sechaba tsa selemo sa lichelete sa 2016/2017**

### Selelekela sa Letona le Khabane la Lichelete

Ke motlotlo ho phatlalatsa bukana ena e tataisang sechaba ka kabo ea lichelete; bukana e hlalosa kamoo lichelete li abiloeng kateng selemong sena sa lichelete – 2016/2017. Ke lekhetlo la pele, nalaneng ea Lekala la Lichelete, ho ngoloa buka ea mofuta ona. Bukana ea mofuta ona, e se e tla ngoloa le ho phatlalatsa selemo le selemo.

Selemo se seng le se seng, Letona la Lichelete le phatlalatsa hore na 'Muso o tla sebelisa chelete e kae, o bokelle e kae 'me o kalime e kae. Phatlalatsa ena, e bitsoa kabo ea lichelete. E hlalosa hore na 'Muso o tla bokella chelete joang le hore na e tla sebelisoa joang. Ka kabo ea lichelete 'Muso o abela makala, makalana le mekhatlo lichelete tse tla sebelisoa ho fana ka litšebeliso ho sechaba sa Basotho.

Ntlha-khoho ea kabo ea lichelete selemong sena ke: **“Taolo le Tšebeliso ea Lichelete tsa Sechaba Nakong ea Liqholotso tse Thata tsa Moruo (Ho sebeletsa boitjaro le ho busa ho latela lichelete tse teng)”**. 'Muso o itlamme ho sebetsa ka boikarabelo le ponaletso hobane lichelete tseo o li sebelisang ke tsa sechaba 'me sechaba se na le tokelo ea ho tseba hore na lichelete tsa sona li sebelisoa joang, mabakeng afe. Kajeno, tšebetsong ea rona, re lokela ho tiisa ka thata ho feta pele. 'Muso o lokela hore khafetsa o hlalose tse Basotho ka seo o ntseng o se etsa.

Kabo ea lichelete ke eona e phethahatsang maano le litšepiso tsa 'Muso. E le hore re eketse ponaletso le ho fana ka lintlha tsohle tse amanang le kabo ea lichelete, 'Muso o hlophisitse bukana ena ea

sechaba ea kabo ea lichelete. Sepheo sa bukana ke hore mosotho e mong le e mong a tsebe hantle hore na kabo ea lichelete e raloa joang. Tsebo ena, e tla etsa hore a be le tšusumetso ea ho rala maano, ho alosa le ho hlahloba phethahatso ea maano ao.

Bukana ea Sechaba ea Kabo ea Lichelete, e bontša merero e ka sehlohong selemong sa lichelete sa 2016/2017. Bukana e supa hore lichelete tse kenang mokotleng oa sechaba tse tsoang – Linaheng tsa Selekaneng sa Likhafa tsa Malibohong tsa linaha tsa Afrika e Boroa (SACU) li tla theoha; lichelete tse lefang meputso ea basebeletsi ba 'Muso li ntse li nyoloha. Bukana e supa merero e ka sehlohong, e hlahang Moralong oa Ntlatso ea Naha (NSDP), e lokelang ho phethahatsoa.

Re tla thabela litlhahiso tsa lona mabapi le ntlafatso ea bukana ena. Litlhahiso li romelloe ho: [finance.budget@gov.ls](mailto:finance.budget@gov.ls)

**Dr 'Mamphono Khaketla**

Letona la Lichelete



**Nkhono, ho  
boleloang ka kabo  
ea lichelete?**

### Ho boleloang ka kabo ea lichelete?

**Kabo ea lichelete** ke tokomane eo ka eona 'Muso o tekang tlhahiso e amanang le lichelete kapele ho

# Lesotho

## Taolo le Tšebeliso ea Lichelete tsa Sechaba Nakong ea Liqholotso tse Thata Litabeng tsa Moruo (Ho sebeletsa boitjaro le ho busa ho latela lichelete tse teng)



## Lekala la Lichelete la 'Muso oa Lesotho

### Bukana e Tataisang sechaba ka kabo ea lichelete tsa sechaba tsa selemo sa lichelete sa 2016/2017

paramente. Tlhahiso e supa mekhoha ea ho kenya lichelete mokotleng oa sechaba le tšebeliso ea lichelete tseo. Tlhahiso e tekoa selemo le selemo. Tlhahiso ebile e abela makala a 'muso lichelete tse tla sebelisoa ho phethahatsa maano le ho fana ka litšebeliso ho sechaba. Mosebetsi oa mantlha oa 'Muso, ke ho hlalosea bakhafi hore na lichelete tsa likhafa le tse ling tseo o li bokeletseng li sebelisitsoe ho reka thepa efe le ho fana ka litšebeliso life. Mosebetsi oa mantlha oa bakhafi, ke ho etsa bonnete ba hore kabo ea lichelete e arabela litlhoko le litaba-tabelo tsa bona.

Lintlha tse hlahang tokomaneng ea kabo ea lichelete ke tse latelang:

- Ho lekola boemo ba moruo oa Lesotho le lintlha tse nang le tšusumetso moruong oo. Lintlha tseo ke: boemo ba moruo kahara naha ea Lesotho, boemo ba moruo kahara Afrika Boroa, boemo ba moruo linaheng tse tikolohong ea rona le boemo ba moruo lefatšeng ka kakaretso.
- 1. Chelete ea likhafa tse fapakaneng e lebeletsoeng ho kena mokotleng oa 'Muso, lichelete tsa likhafa tsa SACU tsa thepa e kenang le e tsoang malibohong, lichelete tsa litšebeliso (tse kang litefiso tsa libukana tsa ho eta) le lichelete tsa lithuso tse tsoang ho bafani le balekane ntšetsopeleng.
- Hore na 'Muso o rerile ho sebelisa lichelete tsa sechaba joang le hore na ke litšebeliso life tseo 'Muso o tla li lefella mafapheng a Temo, Thuto, Bophelo, le a mang.
- Hore na 'Muso o tla rekisetsa sechaba li-bonds joang (li-bonds li rekisetsoa sechaba ke mebuso e le mokhoa oa ho kenya chelete mokotleng oa 'Muso) le hore na ke mabaka afe a tla etsa hore 'Muso o alime lichelete libankeng tsa machaba.
- Haeba lichelete tse kenang ka mokotleng oa sechaba li feta tseo 'Muso o li sebelisang, ho thoe 'Muso o

na le “surplus” (paello). Haeba 'Muso o sebelisa chelete e ngata ho feta e kenang (joale ka selemong sena sa lichelete – 2016/2017) ho thoe 'Muso o na le “deficit” khaello. Ha maemo a le joalo, 'Muso o lokela ho fumana mokhoa oa koala khaello eo ka mekhoha e kenyeletsang ho alima chelete.

- Kabo ea lichelete e fana ka tlaleho ea hore na 'Muso o sebelisitse lichelete joang nakong e fetileng le hore na chelete eo e ne e hlaha mehloling efe.

### Kakaretso ea lichelete tsa sechaba ke bokae?



- Chelete eo 'Muso o lebeletseng ho e sebelisa selemong sa lichelete sa 2016/17 ke limillione tse 16, 943.9 tsa Maloti.
- Kakaretso ea chelete e sebelisoang ho lefa “litšebeliso tsa mehla le mehla tse tloaelehileng” ke limillione tse 12, 150.6 tsa Maloti. Chelete eo, e lefa meputso ea basebeletsi ba 'Muso (ho kenyeletsa mapenchenara le maparamente), lisebelisuo a tsohle tsa makala a 'muso, lisebelisuo a tshele, joalo-joalo.
- Kakaretso ea chelete e tla sebelisoa “bakeng sa mesebetsi e meholo” e leng kaho ea litsela,

# Lesotho

## Taolo le Tšebeliso ea Lichelete tsa Sechaba Nakong ea Liqholotso tse Thata Litabeng tsa Moruo (Ho sebeletsa boitjaro le ho busa ho latela lichelete tse teng)




### Lekala la Lichelete la 'Muso oa Lesotho

#### Bukana e Tataisang sechaba ka kabo ea lichelete tsa sechaba tsa selemo sa lichelete sa 2016/2017

likolo le meaho e meng ke limillione tse 4, 793.2 tsa Maloti.

- Bakeng sa komello, 'Muso o behile chelete e limillione tse 155 tsa Maloti e tsoang licheleteng tsa selemo sa lichelete sa 2015/16 hore e tle e sebelisoa ha koluoa ea komello e ka otlana naha.



#### Chelete e abiloeng e tsoa kae?


'Muso o bokella chelete e tsoang ho sechaba ho fana ka litšebeliso tse kenyeletsang tsa thuto, bophelo, le sepolesa. Tsena li hlalosoa ka hore ke litšebeliso tse akaretsang tsa sechaba.

Kakaretso ea lichelete tse bokeletsoeng ke limillione tse 15, 072.4 tsa Maloti.


- Likhafa tsa thepa e kenang le e tsoang ea linaha tsa SACU e ne e le limillione tse 4, 593.8 tsa Maloti.
- Likhafa tse ling e ne e le limillione tse 6, 251.1 tsa Maloti.
- Litefiso tsa litšebeliso le thepa e ne e le limillione tse 2, 124.4 tsa Maloti.

- Lithuso tsa bafani e ne e le limillione tse 1, 169.5 tsa Maloti.
- Likalimo tse tsoang kantle ho naha e ne e le limillione tse 933.5 tsa Maloti.

#### Setšoantšo sa Mehlopi ea Lichelete



#### Setšoantšo sa Kabo ea Lichelete tse Sebelisoang



Setšoantšo se kholimo sa lichelete tse kenang le tse tsoang, se bontša hore 'Muso o na le khaello ea

# Lesotho

Taolo le Tšebeliso ea Lichelete tsa Sechaba Nakong ea Liqholotso tse Thata Litabeng tsa Moruo  
(Ho sebeletsa boitjaro le ho busa ho latela lichelete tse teng)




## Lekala la Lichelete la 'Muso oa Lesotho

**Bukana e Tataisang sechaba  
ka kabo ea lichelete tsa sechaba tsa selemo sa lichelete sa 2016/2017**

limillione tse 1, 949.9 tsa Maloti e leng 7.1% ea moruo ohle oa naha. Khothaletso ke hore sekoloto sena se koaloe ka likalimo kahare ho naha le ka ho sebelisa chelete e koalletsoeng ke 'Muso.

**Setšoantšo sa kamoo chelete e tla  
sebelisoa kateng**



Katlase ho mona ho bontšoa lichelete tse abetsoeng a mang a makala a 'muso:

**Lekala la Lirafshoa** – Lefapha la lirafshoa le raliloeng hantle, ke le kenyeletsang Basotho khoebong ea merafo le ho ba fa mesebetsi. Lichelete tse hlahang khoebong ea merafo li thusa 'Muso ho ntlafatsa likolo, lipetlele, le litsi tse ling tsa litšebeliso tsa sechaba. Chelete e limillione tse 39.1 tsa Maloti e abetsoe Lekala la Lirafshoa.



Kabo ena ea lichelete e fa **Lekala la Bophelo** limillione tse 1, 977.1 tsa Maloti. 'Muso o itlamme ho kena letšolong la 90:90:90 la ho felisa tšoaetso ea HIV pele ho 2030. Ka selemo seo, 90% ea Basotho e be e tseba boemo ba bona ba tšoaetso; 90% ea Basotho ba nang le tšoaetso ba be ba fumana kalafo; 90% ea ba kalafong, kokoana-hloko ea bona e be e theohile hoo ba ke keng ba fetisa tšoaetso. Sena se ka phethahala!!!



**Ntlafatso ea batho ka thuto**, 'Muso o tla abela Lekala la Thuto le Koetliso limillione tse 2, 381.9 tsa Maloti. Chelete ena, e tla sebelisoa ho holisa likolo le ho theolela bohlahlobi ba likolo le thuto literekeng; ho tsoela pele ho haha likolo le ho li nchafatsa; ho fana ka lichelete tsa phepo ea bana likolong; ho fumana lithusa-thuto tsa thuto ea mathomo e sa lefelloeng; ho



# Lesotho

Taolo le Tšebeliso ea Lichelete tsa Sechaba Nakong ea Liqholotso tse Thata Litabeng tsa Moruo  
(Ho sebeletsa boitjaro le ho busa ho latela lichelete tse teng)



## Lekala la Lichelete la 'Muso oa Lesotho

**Bukana e Tataisang sechaba  
ka kabo ea lichelete tsa sechaba tsa selemo sa lichelete sa 2016/2017**

etsa hore likolo tse mahareng le tse phahameng li ngole lihlahlobo tsa Lesotho le ho hlahloba bocha thuto ea likolo tsa mesebetsi ea matsoho.

**Lekala la Matla le Bolepi** le ikemiselitse ho phethahatsa maano a tla fokotsa liphetoho tse kotsi tsa maemo a leholimo. Lekala le tla tsoelapele ho alosa le ho hlahloba maemo a leholimo ka linako tsohle. Lekala le tla kenya tšebetsong maano a thibelang hore lisebelisuo tse ka fetolang maemo a leholimo, li se lumelloe ho kena kahara Lesotho. Lekala le khothaletsa hore motlakase o fehloe ka lisebelisuo tse sa feleng, tse sa silafatseng kapa ho senya tikoloho. Lekala le tla abeloa limillione tse 394.2 tsa Maloti.



**Lekala la Puso ea Libaka le Litaba tsa Borena:** 'Muso o tla ntlafatsa phano ea litšebeliso le puso e ntle sechabeng. 'Muso o tla phethahatsa morero ona ka ho akofisa ho theoleloa ha puso sechabeng, kahoo chelete e limillione tse 200.0 tsa Maloti e tšoaetsoe ho tsamaisa likhetho tsa puso ea libaka. Kabo ea lichelete e bile e fana ka limillione tse 868.3 tsa Maloti ho ntlafatsa le ho haha litsela tsa literopong le libaka tse kathoko ho literopo esita le ho ntlafatsa litsi tsa puso ea libaka.



**Likotsi tsa mebileng** li bolaea palo e ngata ea batho lefatšeng la Afrika 'me Lesotho ke e 'ngoe ea linaha tse amehang mafung ana. 'Muso oa Lesotho o ikemiselitse ho matlafatsa matšolo a Boipaballo Mebileng ho fokotsa likotsi.

**Lekala la tsa Lehae** le tla abeloa limillione tse 300.9 tsa Maloti 'me karolo ea chelete eo, e limillione tse 130.0 tsa Maloti, e tla sebelisoa ho ngolisa sechaba le ho fana ka likarete tsa boitsebiso.



## U ka sebelisa litaba tse hlahang bukaneng ee joang?

Kabo ea lichelete ke tokomane ea bohlokoa ea seo 'Muso o rerileng ho se phethahatsa selemong sa lichelete se hlahlamang. Haeba u batla ho tseba hore na khafa ea hao e ea kae, kapa na ho na le meralo ea ho ntlafatsa thuto le litšebeliso tsa bophelo sebakeng sa heno, u ka sebelisa tokomane ena ho sheba hore na ke lichelete tse

# Lesotho

Taolo le Tšebeliso ea Lichelete tsa Sechaba Nakong ea Liqholotso tse Thata Litabeng tsa Moruo  
(Ho sebeletsa boitjaro le ho busa ho latela lichelete tse teng)



## Lekala la Lichelete la 'Muso oa Lesotho

### Bukana e Tataisang sechaba ka kabo ea lichelete tsa sechaba tsa selemo sa lichelete sa 2016/2017

kae tse abiloeng ho phethahatsa merero eo. Bukana ena e hlalosa ka bokhutšoane le ka bonolo tse ling tsa lintlha tseo.

Leha ho le joalo, u ka fumana lintlha ka botlalo mabapi le kabo ea lichelete tsa sechaba mehloling ena:

- Buka ea Kabo ea Lichelete tsa Sechaba, e fumanoang Lekaleng la Lichelete, Mokotong oa 3, Finance House kapa;
- Interneteng atereseng ena: <http://www.finance.gov.ls> kapa <http://www.gov.ls>

Ke tokelo ea Mosotho e mong le e mong ho fumana le ho rua tsebo ka kabo ea lichelete tsa sechaba. Buisana le baahisane, liofisiri tsa 'Muso, kapa baetapele ba hao ka lintlha tse hlahang bukaneng ena kapa u buisane ka tsona le batho ba motse oa heno! Ho tseba ka kabo ea lichelete tsa sechaba ho fa sechaba monyetla oa ho susumetsa hore na lichelete tsa sona li sebelisoe joang.